

Bosna i Hercegovina  
FEDERACIJA BOSNE I HERCEGVINE  
Kanton Sarajevo  
Grad Sarajevo  
Općina Novi Grad Sarajevo  
Općinsko vijeće

**NACRT**

## **S T A T U T OPĆINE NOVI GRAD SARAJEVO**

**PREDLAGAČ:** Radna grupa Općinskog vijeća za izmjene i dopune Statuta Općine Novi Grad Sarajevo

**OBRAĐIVAČ:** Služba za poslove Općinskog vijeća

Sarajevo, maj 2022. godine

Na osnovu člana VI 4a) Ustava Federacije Bosne i Hercegovine ("Sl. novine FBiH", br. 1/1994, 1/1994 - Amandman I, 13/1997 - Amandmani II-XXIV, 13/1997 - Amandmani XXV i XXVI, 16/2002 - Amandmani XXVII-LIV, 22/2002 - Amandmani LVI-LXIII, 52/2002 - Amandmani LXIV-LXXXVII, 60/2002 - ispr. Amandmana LXXXI, 18/2003 - Amandman LXXXVIII, 63/2003 - Amandmani LXXXIX-XCIV, 9/2004 - Amandmani XCV-CII, 20/2004 - Amandmani CIII i CIV, 33/2004 - Amandman CV, 71/2005 - Amandmani CVI-CVIII, 72/2005 - Amandman CVI i 88/2008 - Amandman CIX), člana 36. Ustava Kantona Sarajevo ("Sl. novine Kantona Sarajevo", br. 1/1996, 2/1996 - ispr., 3/1996 - ispr., 16/1997 - Amandmani I-XIII, 14/2000 - Amandmani XIV i XV, 4/2001 - Amandmani XVI-XVIII, 28/2004 - Amandmani XIX-XLII, 6/2013 - Amandmani XLIII-XLIX i 31/2017 - Amandmani L-LVII) i člana 13. Zakona o principima lokalne samouprave Federacije Bosne i Hercegovine („Službene novine FBiH“ br. 49/06 i 51/09, Općinsko vijeće Novi Grad Sarajevo na \_\_\_\_ sjednici održanoj \_\_\_\_ . godine, donijelo je

**NACRT**

## **S T A T U T** **OPĆINE NOVI GRAD SARAJEVO**

### POGLAVLJE I - OSNOVNE ODREDBE

#### Član 1.

(Sadržaj)

Ovim statutom, u skladu sa ustavom i zakonom, bliže se uređuju pitanja samoupravnog djelokruga Općine Novi Grad Sarajevo, organizacija, ovlašćenja i način rada organa Općine, oblici neposrednog odlučivanja građana o lokalnim poslovima, osnivanje i rad mjesnih zajednica, organizovanje i rad lokane uprave, oblici međusobne saradnje i druga pitanja od značaja za ostvarivanje lokalne samouprave.

#### Član 2.

(Osnivanje Općine)

(1) Općina Novi Grad Sarajevo (u daljem tekstu: Općina) osnovana je Zakonom o izmjenama Zakona o obrazovanju opština Sarajevsko polje i Stari Grad Sarajevo („Službeni list SRBiH br. 35/77“) godine i obuhvata naseljena mjesta određena u postupku razgraničenja prema Općem okvirnom sporazumu za mir u Bosni i Hercegovini.

(2) Teritorij i područje Općine Novi Grad Sarajevo obuhvata naseljena mjesta određena Općim okvirnom sporazumom za mir u Bosni i Hercegovini, a u njenom sastavu su sljedeće mjesne zajednice:

- |                          |                             |                        |
|--------------------------|-----------------------------|------------------------|
| 1. Alipašin Most I,      | 10. Briješće,               | 20. Olimpijsko Selo,   |
| 2. Alipašin Most II,     | 11. Buča Potok,             | 21. Otoka,             |
| 3. Alipašino Polje A-I,  | 12. Čengiće Vila,           | 22. Reljevo            |
| 4. Alipašino Polje A-II  | 13. Dobrinja A,             | 23. Saraj Polje,       |
| 5. Alipašino Polje B-I,  | 14. Dobrinja B,             | 24. Staro Hrasno,      |
| 6. Alipašino Polje B-II, | 15. Dobrinja C,             | 25. Švrakino Selo I,   |
| 7. Alipašino Polje C-I,  | 16. Dobrinja D,             | 26. Švrakino Selo II,  |
| 8. Alipašino Polje C-II, | 17. Dobroševići,            | 27. Švrakino Selo III, |
| 9. Aneks,                | 18. Dolac,                  | 28. Zabrdje.           |
|                          | 19. Naselje heroja Sokolje, |                        |

(3) Granice naseljenih mjesta utvrđuju se odlukom Općinskog vijeća.

(4) Općina je jedinica lokalne samouprave sa svojstvom pravnog lica, zasnovana na principima Evropske povelje o lokalnoj samoupravi, zakonima i podzakonskim aktima Federacije Bosne i Hercegovine.

(5) Pravo na lokalnu samoupravu obuhvata pravo građana da preko neposredno izabраниh organa učestvuju u vođenju javnih poslova, osiguravanju uvjeta za život i rad i unapređenje i zaštitu njihovih zajedničkih interesa.

### Član 3. (Naziv i sjedište)

- (1) Službeni naziv Općine je: Općina Novi Grad Sarajevo.
- (2) Sjedište Općine je na adresi Bulevar Meše Selimovića broj 97.

### Član 4. (Službena obilježja Općine)

- (1) Općina ima grb i zastavu, kao i druga obilježja o kojima posebnom odlukom odlučuje Općinsko vijeće.
- (2) Službena obilježja upotrebljavaju se samostalno ili zajedno sa drugim obilježjima Bosne i Hercegovine, Federacije Bosne i Hercegovine, Kantona Sarajevo i Grada Sarajevo.
- (3) Općinski načelnik može odobriti upotrebu grba fizičkim i pravnim licima ako ocjeni da to nije u suprotnosti sa interesima Općine, uz dostavljanje informacije Općinskom vijeću.

### Član 5. (Dan Općine)

- (1) Dan Općine Novi Grad Sarajevo je 16. decembar.
- (2) Način obilježavanja utvrđuje se posebnom odlukom Općinskog vijeća.

### Član 6. (Pečat Općine)

- (1) Općina ima pečat oblika kruga, promjera 50 i 30 mm, kojim se ovjeravaju službena akta koja donosi ovaj organ i njegova radna tijela.
- (2) Sadržaj pečata, davanje odobrenja za izradu pečata, način vođenja evidencije o izdatim pečatima, način uništavanja pečata i druga pitanja od značaja za izradu i korištenje pečata, uredit će se posebnom odlukom Općinskog vijeća.

### Član 7. (Službeni jezici)

- (1) Službeni jezici u Općinu su bosanski jezik, hrvatski jezik i srpski jezik.
- (2) Ostali jezici se mogu koristiti kao sredstvo komunikacije.
- (3) Službena pisma su latinica i ćirilica.

### Član 8. (Rodna ravnopravnost)

Odredbe ovog statuta odnose se podjednako na osobe muškog i ženskog spola, bez obzira na rod imenice upotrebene u tekstu Statuta.

## POGLAVLJE II – ZAŠTITA LJUDSKIH PRAVA I SLOBODA

### Član 9.

(Osiguranje ljudskih prava i sloboda)

(1) Na području općine osigurava se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i instrumentima datim u Aneksu Ustava Federacije.

(2) Organi Općine ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava.

### Član 10.

(Nacionalne manjine)

(1) Na području općine, pripadnicima nacionalnih manjina garantuju se i osiguravaju osnovna prava i zaštita ravnopravnog sudjelovanja u javnim poslovima u skladu sa ustavom, zakonom, ovim statutom, općim i pojedinačnim aktima općinskih organa.

(2) Općina, u skladu sa mogućnostima, finansijski pomaže rad i djelovanje udruženja koja osnivaju pripadnici nacionalnih manjina radi očuvanja nacionalnog i kulturnog identiteta.

### Član 11.

(Zabrana diskriminacije, nasilja i uznemiravanja)

Zabranjena je diskriminacija na osnovu spola, nasilje na osnovu spola, seksualno uznemiravanje i uznemiravanje građana u ostvarivanju njihovih prava i obaveza u oblastima samoupravnog djelokruga Općine.

### Član 12.

(Komisija za ljudska prava)

(1) Radi zaštite ljudskih prava i sloboda te kontrole rada općinskih organa u ovoj oblasti, Općinsko vijeće formira Komisiju za ljudska prava.

(2) Broj članova, način imenovanja i nadležnosti ove komisije utvrđuje se Poslovníkom o radu Općinskog vijeća.

### Član 13.

(Saradnja sa ombudsmenima)

(1) Svi općinski organi dužni su pružiti Ombudsmanu Bosne i Hercegovine, Ombudsmanu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području općine.

(2) U okviru pomoći iz prethodnog stava, organi Općine dužni su naročito:

- a) staviti na uvid sve službene dokumente, uključujući i dokumente tajnog karaktera u skladu sa odredbama Zakona o zaštiti tajnih podataka, te sudske i upravne spise,
- b) osigurati saradnju svih službenika i namještenika u davanju potrebnih informacija i podataka,

(3) Izvještaji tijela iz stav (1) ovog člana razmatrat će se u nadležnim općinskim organima i tijelima po hitnom postupku sa preduzimanjem potrebnih mjera kad to bude potrebno.

## POGLAVLJE III – NADLEŽNOSTI OPĆINE

### Član 14.

(Određivanje nadležnosti)

(1) Općina ima nadležnosti utvrđene Ustavom Bosne i Hercegovine, Ustavom Federacije Bosne i Hercegovine, Ustavom Kantona Sarajevo, zakonom i ovim statutom.

(2) Općina je samostalna u odlučivanju u poslovima iz samoupravnog djelokruga, a podliježe nadzoru zakonitosti kojeg obavljaju nadležni organi institucija Bosne i Hercegovine, federalni i kantonalni organi.

#### Član 15. (Nadležnosti)

(1) „U vlastite nadležnosti Općine, u skladu sa zakonom, spadaju poslovi kojima se neposredno ostvaruju potrebe građana, kako slijedi:

- osiguranje i zaštita ljudskih prava i osnovnih sloboda, u skladu sa Ustavom i zakonom, donošenje budžeta Općine,
- donošenje programa i planova razvoja Općine i stvaranje uslova za privredni razvoj i zapošljavanje,
- utvrđivanje i provođenje politike uređenja prostora i zaštite čovjekove okoline,
- utvrđivanje i provođenje urbanističko – stambene politike i donošenje programa stambene i druge izgradnje,
- utvrđivanje politike korištenja i utvrđivanje visine naknada za korištenje javnih dobara,
- utvrđivanje i vođenje politike raspolaganja, korištenja i upravljanja građevinskim zemljištem,
- utvrđivanje politike upravljanja i raspolaganja imovinom Općine,
- utvrđivanje politike upravljanja prirodnim resursima Općine i raspodjele sredstava ostvarenih na osnovu njihovog korištenja,
- upravljanje, finansiranje i unapređenje djelatnosti i objekata lokalne komunalne infrastrukture: vodosnabdijevanje, odvođenje i prerada otpadnih voda, prikupljanje i odlaganje čvrstog otpada, održavanje javne čistoće, gradska groblja, lokalni putevi i mostovi, ulična rasvjeta, javna parkirališta, parkovi, organiziranje i unapređenje lokalnog javnog prijevoza;
- utvrđivanje politike predškolskog obrazovanja, unapređenje mreže ustanova, te upravljanje i finansiranje javnih ustanova predškolskog obrazovanja,
- osnivanje, upravljanje, finansiranje i unapređenje ustanova osnovnog obrazovanja,
- osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta,
- ocjenjivanje rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, te osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima Općine,
- analiza stanja javnog reda i mira, sigurnosti ljudi i imovine, te predlaganje mjera prema nadležnim organima za ova pitanja,
- organiziranje, provođenje i odgovornost za mjere zaštite i spašavanja ljudi i materijalnih dobara od elementarnih nepogoda i prirodnih nesreća u okviru sistema zaštite i spašavanja u skladu sa zakonom,
- uspostavljanje i vršenje inspekcijskog nadzora nad izvršavanjem zakona i drugih propisa,
- donošenje propisa o porezima, naknadama, doprinosima i taksama iz nadležnosti Općine,
- raspisivanje referendumu za područje Općine,
- raspisivanje javnog zajma i odlučivanje o zaduženju Općine,
- preduzimanje mjera za osiguranje higijene i zdravlja,
- osiguravanje uvjeta rada lokalnih radio i TV stanica u skladu sa zakonom,
- osiguravanje i vođenje evidencija o ličnim stanjima građana i biračkih spiskova,
- poslovi iz oblasti premjera i katastra zemljišta i evidencija o nekretninama,
- organiziranje efikasne lokalne uprave prilagođene lokalnim potrebama,
- uspostavljanje organizacije lokalne samouprave,
- utvrđivanje mjera poljoprivredne politike u cilju stvaranja uslova za unapređenje iste u skladu sa zakonom,
- utvrđuje mjere radi unapređenja turističkih resursa Općine,

- zaštita životinja.

(2) Općina obavlja sve poslove lokalne uprave koji nisu isključeni iz njene nadležnosti niti dodjeljene u nadležnost drugih nivoa vlasti na osnovu ustava i zakona, te je samostalna u odlučivanju o pitanjima iz vlastitih nadležnosti koja ne mogu biti ograničena niti uskraćena, osim u slučajevima predviđenim zakonom.

(3) Prenos poslova utvrđenih Zakonom o principima lokalne samouprave u F BiH u nadležnosti Općine, a koje vrše drugi nivoi vlasti, može se izvršiti samo uz prenos finansijskih sredstava neophodnih za obavljanje istih.“

(4) Obavljanje pojedinih poslova iz vlastitih i prenesenih nadležnosti može se povjeriti javnim preduzećima, ustanovama, privrednim društvima, drugim pravnim licima i obrtnicima, u skladu sa zakonom.

## POGLAVLJE IV – STRUKTURA OPĆINSKE VLASTI

### **Odjeljak A. Uvodne odredbe**

#### Član 16.

(Organi Općine)

Organi Općine su Općinsko vijeće i Općinski načelnik.

### **Odjeljak B. Općinsko vijeće**

#### Član 17.

(Broj članova i odgovornost)

(1) Općinsko vijeće je predstavničko tijelo građana koje se bira neposrednim i tajnim glasanjem, u skladu sa odredbama Izbornog zakona Bosne i Hercegovine.

(2) Općinsko vijeće ima 31 – og vijećnika, čija se prava, dužnosti i odgovornosti utvrđuju Poslovníkom o radu Općinskog vijeća.

(3) Članovi Općinskog vijeća odgovorni su za ustavnost i zakonitost akata koje Općinsko vijeće donosi u okviru svojih nadležnosti.

#### Član 18.

(Nadležnosti Općinskog vijeća)

(1) Vijeće u okviru svojih nadležnosti:

- donosi Statut Općine,
- usvaja budžet i izvještaj o izvršenju budžeta Općine,
- donosi odluku o izvršenju budžeta Općine,
- donosi Poslovník o radu Općinskog vijeća,
- donosi Program rada Općinskog vijeća,
- usvaja Izvještaj o radu Općinskog vijeća,
- donosi odluke i druge opće akte kojima uređuje pitanja iz samoupravnog djelovanja Općine i daje njihovo autentično tumačenje,
- donosi razvojne, prostorne i urbanističke planove i programe, te provedbene planove, uključujući zoniranje,
- donosi propise o porezima, taksama, naknadama i doprinosima Općine u skladu sa zakonom,
- donosi odluke o upravljanju i raspolaganju imovinom Općine,
- donosi odluke o zaduživanju,
- donosi programe uređenja gradskog građevinskog zemljišta,

- donosi plan korištenja javnih površina,
  - podnosi inicijative za nazive ulica, trgova i dijelova naseljenih mjesta, kao i promjene istih
  - donosi odluke o osnivanju i ukidanju mjesnih zajednica
  - donosi odluke o proglašenju praznika Općine,
  - donosi odluke o nagradama i priznanjima Općine,
  - donosi odluke o raspisivanju referenduma,
  - utvrđuje općinske politike iz nadležnosti Općine i razmatra godišnje izvještaje o njihovom provođenju i aktivnostima Općinskog načelnika,
  - osniva preduzeća i ustanove za obavljanje poslova od interesa za Općinu i vrši nadzor nad njihovim radom u skladu sa zakonom, ovim Statutom i drugim propisima,
  - bira i razrješava predsjedavajućeg i zamjenika predsjedavajućeg Općinskog vijeća,
  - vrši izbor vijećnika u sastav Gradskog vijeća,
  - osniva radna tijela Vijeća (komisije, odbore, savjete), utvrđuje njihove nadležnosti, sastav, broj članova i način rada, bira i razrješava njihove članove,
  - obrazuje komisiju, koja u drugom stepenu rješava po žalbi protiv prvostepenih rješenja načelnika, donesenih na osnovu Statuta i propisa vijeća,
  - imenuje, bira i razrješava lica određena zakonom, ovim Statutom i odlukama, te daje saglasnost na imenovanja i razrješenja kada je to propisom određeno,
  - odlučuje o prenosu i preuzimanju osnivačkih prava, u skladu sa zakonom i ovim Statutom,
  - razmatra informacije o radu ustanova i kvaliteti usluga u djelatnosti zdravstva, socijalne zaštite, obrazovanja, komunalnih usluga, kulture i sporta, najmanje jednom godišnje,
  - razmatra godišnji izvještaj o radu jedinstvenog općinskog organa uprave,
  - donosi Strategiju razvoja općine,
  - donosi odluku o javnom redu i miru i odluku o određivanju radnog vremena u određenim djelatnostima,
  - razmatra i analizira stanje javnog reda i mira, sigurnosti ljudi i imovine, najmanje jednom godišnje,
  - donosi odluku o pečatu, njegovom sadržaju i upotrebi,
  - donosi odluku o naknadama vijećnicima i članovima radnih tijela,
  - donosi odluku o utvrđivanju platnih razreda i koeficijenata za plaće, dodataka na plaću i naknada plaće izabranih dužnosnika, nosioca izvršnih funkcija, državnih službenika i namještenika Općine Novi Grad Sarajevo,
  - utvrđuje školska područja javnih ustanova – Osnovnih škola na području Općine, u skladu sa zakonom,
  - donosi odluku o grbu, zastavi i drugim simbolima Općine,
  - obavlja i druge poslove utvrđene zakonom i ovim Statutom.
- (2) Članovi Općinskog vijeća odgovaraju za ustavnost i zakonitost akata koje donosi vijeće u okviru svojih nadležnosti.

#### Član 19.

##### (Konstituisanje Općinskog vijeća)

- (1) Općinsko vijeće u novom sazivu prvi put se saziva najkasnije 30 dana od dana objave potvrđenih rezultata izbora od strane Centralne izborne komisije Bosne i Hercegovine.
- (2) Konstituisanje Općinskog vijeća detaljnije je regulisano Poslovníkom o radu Općinskog vijeća.

#### Član 20.

(Pravo na paušal)

(1) Općinski vijećnici imaju pravo na mjesečno novčano primanje (paušal) na ime povećanih troškova u obavljanju svoje dužnosti, što se utvrđuje posebnom odlukom Općinskog vijeća.

#### Član 21.

(Vijećnička legitimacija)

(1) Vijećnicima se izdaje vijećnička legitimacija.

(2) Sadržaj i oblik legitimacije, vođenje registra i druga pitanja utvrđuju se posebnom odlukom Općinskog vijeća.

#### Član 22.

(Predsjedavajući i njegovi zamjenici)

(1) Općinsko vijeće ima predsjedavajućeg i tri zamjenika koji se biraju iz reda izabranih vijećnika.

(2) Predsjedavajući zastupa Općinsko vijeće, predsjedava sjednicima Općinskog vijeća i obavlja druge zadatke utvrđene Poslovníkom o radu Općinskog vijeća.

(3) Predsjedavajući svoju dužnost može obavljati profesionalno.

(4) Zamjenici predsjedavajućeg Općinskog vijeća zamjenjuju predsjedavajućeg u slučajevima njegove odsutnosti ili kad im predsjedavajući povjeri određene poslove iz svog djelokruga rada.

(5) Jedan od zamjenika predsjedavajućeg Općinskog vijeća može svoju dužnost obavljati profesionalno, ukoliko predsjedavajući ne obavlja svoju dužnost profesionalno.

(6) Postupak kandidovanja, imenovanja i razrješenja, te radno pravni status predsjedavajućeg Općinskog vijeća i njegovih zamjenika uredit će se Poslovníkom o radu Općinskog vijeća.

#### Član 23.

(Sekretar Općinskog vijeća i Služba za poslove Općinskog vijeća)

(1) Općinsko vijeće ima sekretara, sa statusom državnog službenika koji se postavlja u skladu sa propisima o državnoj službi.

(2) Služba za poslove Općinskog vijeća je u sastavu Jedininstvenog općinskog organa uprave i vrši stručne i druge poslove za potrebe Općinskog vijeća, njegovih radnih tijela i vijećnika i njihovih klubova, čije se osnivanje, organizacija i rad uređuju u skladu sa važećim zakonskim propisima.

#### Član 24.

(Način rada i odlučivanja)

(1) Općinsko vijeće zasjeda javno, izuzev u slučajevima kada ovakav način rada može biti isključen, a što se bliže uređuje Poslovníkom o radu Općinskog vijeća.

(2) Općinsko vijeće odlučuje većinom glasova izabranih vijećnika.

(3) ???

(4) Statut Općine i odluke o osnivanju mjesne zajednice donose se dvotrećinskom većinom glasova izabranih Općinskih vijećnika.

#### Član 25.

(Klubovi vijećnika)

U Općinskom vijeću formiraju se klubovi vijećnika, a način formiranja, konstituisanja, rada i odlučivanja utvrđuje se Poslovníkom o radu Općinskog vijeća.

#### Član 26.

(Kolegij Općinskog vijeća)

U cilju unaprijeđenja i veće efikasnosti rada Općinsko vijeće formira Kolegij Općinskog vijeća, čiji se sastav, nadležnosti i druga pitanja uređuju se Poslovníkom o radu Općinskog vijeća.



#### Član 27.

##### (Radna tijela)

(1) Općinsko vijeće može osnovati radna tijela stalnog ili privremenog karaktera u svrhu priprema odluka i drugih akata iz njegovog djelokruga.

(2) Sastav, broj članova, djelokrug i način rada radnih tijela utvrđuje se Poslovníkom o radu Općinskog vijeća odnosno posebnom odlukom o osnivanju radnog tijela.

(3) Nespojive su funkcije vijećnika sa funkcijama člana u organima javnih ustanova i javnih preduzeća čiji je osnivač Općina.

### **Odjeljak C. Općinski načelnik**

#### Član 28.

##### (Izbor i prestanak mandata)

(1) Izbor, prestanak mandata, opoziv i prava Općinskog načelnika nakon prestanka mandata uređuju se Zakonom o izboru, prestanku mandata, opozivu i zamjeni načelnika općina u Federaciji Bosne i Hercegovine.

(2) Općinski načelnik i predsjedavajući Općinskog vijeća ne mogu biti iz istog konstitutivnog naroda, odnosno iz reda ostalih, a u skladu sa odredbama Ustava Federacije BiH.

#### Član 29.

##### (Položaj i odgovornost)

(1) Općinski načelnik je izvršni organ Općine, koji predstavlja i zastupa Općinu.

(2) Općinski načelnik svoju dužnost obavlja profesionalno i za to vrijeme ostvaruje pravo na plaću i druga prava po osnovu rada.

(3) Općinski načelnik odgovara za ustavnost i zakonitost akata koje donosi ili predlaže Općinskom vijeću.

#### Član 30.

##### (Nadležnosti)

(1) Općinski načelnik u okviru svoje nadležnosti:

- predstavlja i zastupa Općinu,
- izvršava zakone i druge propise, čije izvršenje je povjereno Općini,
- izrađuje i Općinskom vijeću, na usvajanje, podnosi nacrt i prijedlog budžeta,
- predlaže razvojne planove, investicione programe, prostorne i urbanističke planove i ostale planske i regulatorne dokumente, koji se odnose na korištenje i upravljanje zemljištem, uključujući zoniranje gradskog građevinskog zemljišta i korištenje javnog zemljišta,
- donosi akte iz svoje nadležnosti,
- predlaže Strategiju razvoja Općine,
- predlaže odluke i druge opće akte Općinskom vijeću,
- utvrđuje i provodi politiku Općine, u skladu sa odlukama Općinskog vijeća, izvršava budžet Općine i osigurava primjenu odluka i drugih akata Općinskog vijeća,
- donosi odluku o organizaciji jedinstvenog općinskog organa uprave Općine,
- donosi pravilnik o unutrašnjoj organizaciji jedinstvenog općinskog organa uprave Općine,
- donosi godišnji Plan rada jedinstvenog općinskog organa uprave Općine,
- realizira saradnju Općine sa drugim općinama, gradovima, međunarodnim i drugim organizacijama,
- podnosi izvješaj Općinskom vijeću o ostvarivanju politike Općine i svojim aktivnostima,
- odlučuje o pravima iz radnog odnosa državnih službenika i namještenika Općine, u skladu sa zakonom,
- sklapa ugovore i druge pravne poslove, u skladu sa zakonom, ovim Statutom i odlukom Općinskog vijeća,

- obavlja i druge poslove utvrđene zakonom, drugim propisima i ovim Statutom.

#### Član 31.

##### (Kolegij Općinskog načelnika)

- (1) Općinski načelnik formira Kolegij Općinskog načelnika.
- (2) Kolegij Općinskog načelnika je radno-konsultativno i pomoćno tijelo Općinskog načelnika.
- (3) Kolegij Općinskog načelnika čine Općinski načelnik, Sekretar Općinskog organa državne službe, pomoćnici Općinskog načelnika i Općinski pravobranilac ili zamjenik pravobranioaca.
- (4) Kolegij Općinskog načelnika pomaže Općinskom načelniku u donošenju, pripremanju i razmatranju pitanja iz nadležnosti Općinskog načelnika i vrši i druge poslove koje odredi Općinski načelnik.

### POGLAVLJE V – MEĐUSOBNI ODNOSI VIJEĆA I NAČELNIKA

#### Član 32.

##### (Principi saradnje)

Saradnja između Općinskog načelnika i Općinskog vijeća zasniva se na principima međusobnog uvažavanja i saradnje, uz odovjenu odogovrnost za ostavriavanje vlastitih nadležnosti i zajedničku odogovrnost za funkcionisanje Općine, u skladu sa ustavom i zakonom.

#### Član 33.

##### (Dostavljanje budžeta)

- (1) Općinski načelnik je dužan Općinskom vijeću dostaviti prijedlog budžeta Općine u roku utvrđenom zakonom i budžetskim kalendarom.
- (2) Pripreme i izvršenje budžeta Općine vršit će se u skladu sa procedurama i principima utvrđenim zakonom i u međusobnoj saradnji nadležnih radnih tijela Općinskog vijeća i Općinskog načelnika.

#### Član 34.

##### (Godišnje informisanje)

Općinski načelnik je dužan u pismenoj formi godišnje informisati Općinsko vijeće o ostvarivanju politike Općine i odgovarati na vijećnička pitanja i inicijative na način i u rokovima utvrđenim Poslovníkom o radu Općinskog vijeća.

#### Član 35.

##### (Preispitivanje odluka)

- (1) Općinsko vijeće i Općinski načelnik, u skladu sa procedurom i rokovima utvrđenim zakonom, mogu zatražiti preispitivanje donesenih odluka i drugih akata za koje smatraju da su neustavni ili nezakoniti.
- (2) Općinsko vijeće je dužno razmotriti prijedlog za preispitivanje donesenih odluka i drugih akata podnesen od Općinskog načelnika, i o istom se izjasniti u roku od 30 dana.

### POGLAVLJE VI – ORGANIZACIJA UPRAVE

#### Član 36.

##### (Položaj uprave)

- (1) Poslove uprave iz okvira nadležnosti Općine obavljaju službe za upravu u okviru Jedinštenog organa uprave.
- (2) Službe za upravu u okviru Jedinštenog organa uprave vrše poslove na način da osiguravaju prava i slobode građana utvrđenih ustavom, zakonom i ovim statutom.

#### Član 37.

##### (Nadležnost)

- (1) Službe za upravu u okviru Jedinštenog organa uprave i druge posebne službe obavljaju poslove iz svoje nadležnosti utvrđene odlukom o osnivanju i aktom o unutrašnjoj organizaciji, u skladu sa ustavom, zakonom, ovim statutom i drugim propisima.

(2) Službe za upravu u okviru Jedinstvenog organa uprave obavljaju sljedeće poslove:

izvršavaju za kone i druge propise; pripremaju i podnose podzakonske i druge propise za provedbu zakona i drugih propisa;

- daju odgovore na pitanja predstavničke i izvršne vlasti u Općini,
- prate stanje u oblastima za koje su osnovani i vrše i druge upravne i stručne poslove određene zakonom i drugim propisom.

#### Član 38.

(Rukovođenje)

(1) Općinski načelnik rukovodi svim općinskim službama za upravu, a radom općinske službe za upravu neposredno rukovodi pomoćnik općinskog načelnika sa ovlaštenjima koja na njega prenese općinski načelnik.

(2) Pomoćnici Općinskog načelnika za svoj rad odgovoraju Općinskom načelniku.

#### Član 39.

(Javnost rada)

Organi uprave obavljaju svoje poslove samostalno uz punu javnost rada, ukoliko za određene situacije nije zakonom ili drugim propisom drugačije određeno.

#### Član 40.

(Besplatna pravna pomoć građanima)

- (1) Općina organizuje pružanje besplatne pravne pomoći građanima na svom području.
- (2) Organizacija, način rada, sadržaj besplatne pravne pomoći i druga pitanja pružanja besplatne pravne pomoći utvrđuju se posebnom odlukom Općinskog načelnika.

## POGLAVLJE VII – NEPOSREDNO ODLUČIVANJE GRAĐANA

### Odjeljak A. Uvodne odredbe

#### Član 41.

(Oblici učešća u odlučivanju)

(1) Građani mogu sudjelovati u odlučivanju o lokalnim poslovima iz samoupravnog djelokruga Općine: referendumom, mjesnim zborom građana i građanskom inicijativom, u skladu sa zakonom i ovim statutom.

### Odjeljak B. Referendum

#### Član 42.

(Predmet i raspisivanje)

(1) Referendum se može raspisati radi odlučivanja o prijedlogu promjene Statuta Općine, prijedlogu propisa ili drugog općeg akta i drugim pitanjima iz djelokruga Općinskog vijeća određenih zakonom i ovim statutom.

(2) Referendum, u skladu sa zakonom i ovim statutom raspisuje Općinsko vijeće, na prijedlog 1/3 članova Općinskog vijeća, Općinskog načelnika ili 1/5 (jedna petina) mjesnih zajednica sa područja općine.

(3) Prijedlog za raspisivanje referenduma sadrži pitanja o kojima građani treba da se izjasne kao i određivanje područja na kojem treba provesti referendum.

#### Član 43.

(Raspisivanje referenduma)

(1) Odlukom o raspisivanju referenduma određuju se pitanja o kojima će se građani izjašnjavati, dan i način održavanja referenduma kao i područje na kojem će se referendum provesti.

(2) Pravo odlučivanja na referendumu imaju građani sa prebivalištem na području općine i upisani su u birački spisak.

(3) Odluka donesena na referendumu obavezna je za Općinsko vijeće, Općinskog načelnika, druge organe i građane.

#### Član 44.

(Komisija za provođenje referenduma)

(1) Referendum provodi Komisija za provođenje referenduma koju imenuje Općinsko vijeće, na prijedlog Komisije za izbor i imenovanje u Općinskom vijeću.

(2) Komisija za provođenje referenduma određuje mjesta na kojima će se građani izjašnjavati na referendumu.

(3) Referendum se organizuje i provodi u skladu sa principima izbornog zakonodavstva, ovog statuta i statuta mjesne zajednice.

### Odjeljak C. Mjesni zbor građana

#### Član 45.

(Predmet odlučivanja)

(1) Na mjesnom zboru građani mogu raspravljati o svim pitanjima iz samoupravnog djelokruga Općine, predlagati način rješavanja određenog pitanja, odnosno donošenja akata iz samoupravnog djelokruga Općine.

(2) Općinsko vijeće može tražiti mišljenje od zbora građana mjesne zajednice o prijedlogu općeg akta ili drugog pitanja iz nadležnosti Općine, kao i o drugim pitanjima određenim zakonom Statutom Općine, statuta mjesne zajednice.

### Odjeljak D. Građanska inicijativa

#### Član 46.

(Sadržaj i odlučivanje)

(1) Građanskom inicijativom se može pokrenuti rasprava o svakom pitanju iz nadležnosti Općine, od posebnog značaja za građane određenog područja.

(2) O inicijativi iz prethodnog stava ovog člana Općinsko vijeće raspravlja ako ga potpisom podrži najmanje 3% (tri procenta) birača upisanih u birački spisak Općine.

(3) Općinsko vijeće daje odgovor podnosiocima najkasnije u roku od dva mjeseca od prijema građanske inicijative.

(4) Pisana odluka se dostavlja podnosiocu građanske inicijative odmah po njenom donošenju.

### Odjeljak E. Predstavke i prijedlozi

#### Član 47.

(Podnošenje)

(1) Putem predstavki i prijedloga, shodno zakonu, građani mogu izražavati svoje nezadovoljstvo na rad i ponašanje općinskih organa i službenika i tražiti s tim u vezi odgovor od nadležnog organa.

(2) Na podnesene predstavke i prijedloge općinski organi dužni su građanima i pravnim licima dati odgovor u roku od 30 dana od dana podnošenja prigovora ili podnesaka

#### Član 48.

(Komisija)

Općinsko vijeće obrazuje posebnu komisiju za predstavke i prijedloge, kao stalno radno tijelo, radi razmatranja i postupanja po predstavkama i prijedlozima.

## POGLAVLJE VIII – MJESNA SAMOUPRAVA

### Odjeljak A. Uvodne odredbe

#### Član 49.

(Ostvarivanje mjesne samouprave)

Mjesna samouprava u Općini ostvaruje se u mjesnoj zajednici kao obaveznom obliku mjesne samouprave, u skladu sa zakonom i ovim statutom.

### Odjeljak B. Osnivanje i nadležnost mjesne zajednice

#### Član 50.

(Osnivanje)

(1) Mjesna zajednica se osniva kao oblik neposrednog sudjelovanja građana mjesnog područja o lokalnim pitanjima.

(2) Mjesna zajednica se osniva za jedno naselje, više međusobno povezanih naselja ili za veći dio naselja koje u odnosu na ostale dijelove čini zasebnu cjelinu.

(3) Mjesnu zajednicu osniva Općinsko vijeće, a inicijativu mogu dati građani, njihove organizacije i udruženja. Ako su građani podnosioci inicijative za osnivanje mjesne zajednice, ovakvu inicijativu mora lično potpisati najmanje 10% birača upisanih u birački spisak sa područja za koje se predlaže osnivanje mjesne zajednice. Inicijativa za osnivanje mjesne zajednice dostavlja se predsjedavajućem Vijeća i mora biti u pisanoj formi sa obrazloženje. Inicijativa mora da sadrži i podatke o nazivu i sjedištu mjesne zajednice, kao i područje naseljenog mjesta za koje se traži osnivanje mjesne zajednice.

(4) Odluku o osnivanju mjesne zajednice donosi Općinsko vijeće, ako se za istu izjasni najmanje 2/3 ukupnog broj vijećnika u Općinskom vijeću. Općinsko vijeće je dužno da svoj stav podnosiocu inicijative za osnivanje mjesne zajednice dostavi najkasnije u roku od 60 dana od dana prijema inicijative.

#### Član 51.

(Pravni status mjesne zajednice)

(1) Mjesna zajednica ima svojstvo pravnog lica u pogledu prava i obaveza utvrđenih Statutom Općine i zakonom.

(2) Izdvajanje dijela naselja i pripajanje drugoj mjesnoj zajednici ili međusobno spajanje mjesnih zajednica vrši se na način i prema postupku za osnivanje mjesne zajednice.

#### Član 52.

(Nadležnost mjesne zajednice)

(1) Mjesna zajednica je nadležna za obavljanje poslova i upućivanje inicijativa, što neposredno utječe na potrebe, život i rad građana, u skladu sa zakonom, a koji se odnose na:

- a) izgradnju i održavanje puteva, kanalizacije, vodovoda i drugih komunalnih potreba;
- b) uređenje naselja, izgradnja i održavanje parkova, nasada, dječijih igrališta i sportskih objekata;
- c) izgradnja i održavanje grobalja;
- d) čišćenje javnih površina, zaštita i unaprjeđenje životne sredine;
- e) vršenje i drugih poslova od interesa građana u mjestu stanovanja, u skladu sa statutom mjesne zajednice.

#### Član 53.

(Povjeravanje poslova mjesnoj zajednici)

(1) Općinskom odlukom može se mjesnoj zajednici povjeriti obavljanje pojedinih poslova iz djelokruga Općine koji su od uticaja na život i rad građana u mjesnoj zajednici

(2) Sredstva za obavljanje poslova iz prethodnog stava ovog člana osiguravaju se u budžetu Općine.

## **Odjeljak C. Organi mjesne zajednice**

### **Član 54.**

(Organi mjesne zajednice)

(1) Organi mjesne zajednice su: zbor građana, savjet i drugi organi koje utvrdi mjesna zajednica svojim statutom.

### **Član 55.**

(Zbor građana)

- (1) Zbor građana mjesne zajednice čine svi građani nastanjeni na području mjesne zajednice i upisani u birački spisak.
- (2) Zborom građana mjesne zajednice predsjedava izabrani predsjednik zbora.
- (3) Zbor građana usvaja statut mjesne zajednice, pokreće postupak o prestanku rada mjesne zajednice, utvrđuje godišnji plan aktivnosti savjeta mjesne zajednice, odlučuje o raspolaganju imovinom mjesne zajednice, usvaja izvještaj o radu savjeta mjesne zajednice i o drugim pitanjima koja nisu u nadležnosti drugih organa mjesne zajednice.

### **Član 56.**

(Savjet mjesne zajednice)

- (1) Savjet mjesne zajednice je izvršni organ mjesne zajednice, čiji broj članova ne može biti manji od pet niti veći od sedam, ovisno o veličini, razvijenosti i broju stanovnika mjesne zajednice.
- (2) Savjet mjesne zajednice biraju građani sa područja mjesne zajednice koji imaju biračko pravo, neposrednim tajnim glasanjem, na mandatni period od četiri godine. Mandat članova Savjeta mjesne zajednice može prestati i prije isteka vremena na koji je biran u skladu sa odredbama ovog Statuta i Statuta mjesne zajednice. Prestanak mandata člana Savjeta mjesne zajednice prije isteka vremena na koji je biran i način i postupak razrješenja odnosno imenovanje članova Savjeta mjesne zajednice do narednih izbora uređuje se statutom mjesne zajednice.
- (3) Savjet mjesne zajednice priprema statut i program rada mjesne zajednice, finansijski plan i završni račun i obavlja i druge poslove koji su od značaja za ostvarivanje zajedničkih interesa i potreba građana sa područja mjesne zajednice, utvrđene statutom mjesne zajednice.
- (4) Savjet mjesne zajednice može sazvati zbor građana radi raspravljanja o određenim potrebama i interesima građana, te davanja prijedloga za rješavanje pitanja od mjesnog značaja.

### **Član 57.**

(Naknada za rad članova savjeta mjesne zajednice)

Za svoj rad članovi savjeta mjesne zajednice imaju pravo na naknadu koja se određuje posebnom odlukom Općinskog vijeća, a na prijedlog Općinskog načelnika.

### **Član 58.**

(Predsjednik savjeta mjesne zajednice)

- (1) Savjet mjesne zajednice bira predsjednika savjeta iz reda izabranih članova.
- (2) Predsjednik savjeta predstavlja savjet, saziva sjednice savjeta i njima predsjedava, izvršava program rada i finansijski plan, obavlja i druge poslove u skladu sa statutom mjesne zajednice.
- (3) Predsjednik savjeta za svoj rad odgovara savjetu, a Općinskom načelniku odgovara za obavljanje poslova koji su iz djelokruga samoupravne nadležnosti Općine prenijeti mjesnoj zajednici.

## **Odjeljak D. Akti i druga pitanja rada mjesne zajednice**

### **Član 59.**

(Statut mjesne zajednice)

- (1) Statut mjesne zajednice je najviši pravni akt mjesne zajednice.
- (2) Statutom, bliže se uređuju sadržaji poslova mjesne zajednice, organi mjesne zajednice, način njihovog izbora i opoziva, njihova nadležnost, način finansiranja mjesne zajednice, odnos prema

Općini i njenim organima, odnos prema pravnim licima na području mjesne zajednice i druga pitanja od značaja za rad mjesne zajednice, u skladu sa zakonom i Statutom Općine

(3) Organizacionu, tehničku i administrativnu podršku savjetima pružit će nadležne općinske službe.

#### Član 60.

(Sekretar mjesne zajednice)

(1) Stručne i administrativno-tehničke poslove za potrebe mjesne zajednice obavlja sekretar mjesne zajednice.

(2) Sekretar mjesne zajednice obavlja svoje poslove profesionalno, a njegovo postavljenje je u nadležnosti Općinskog načelnika.

#### Član 61.

(Sredstva za rad mjesne zajednice)

(1) Sredstava za zadovoljenje potreba i interesa građana u mjesnoj zajednici formiraju se od:

- a) sredstava osiguranih od samodoprinosa;
- b) naknada za usluge i drugih prihoda koje svojim aktivnostima ostvaruje mjesna zajednica;
- c) prihoda koje Općina ustupi mjesnoj zajednici u skladu sa planovima razvoja mjesne zajednice, odnosno Općine;
- d) poklona i drugih sredstava.

(2) Mjesna zajednica koristi sredstva u skladu sa svojim programima i planovima

#### Član 62.

(Nadzor nad radom organa mjesne zajednice)

(1) Nadzor nad zakonitošću rada organa mjesne zajednice obavlja Općinsko vijeće.

(2) Općinski načelnik ima pravo predložiti Općinskom vijeću da raspusti savjet mjesne zajednice ako savjet u svom radu krši statut mjesne zajednice, ne izvršava povjerene poslove i ne koristi sredstva u skladu sa svojim programima i planovima.

### POGLAVLJE IX – JAVNE SLUŽBE

#### Član 63.

(Osnivanje)

U okviru samoupravnog djelokruga, a radi ostvarivanja općeg interesa i obezbjeđenja prava i dužnosti pravnih i fizičkih lica u zakonom utvrđenim oblastima, osnivaju se ustanove i javna preduzeća.

#### Član 64.

(Javna ustanova)

Općinsko vijeće može osnovati javnu ustanovu u čijoj bi djelatnosti bili poslovi vršenja javne službe od općeg javnog interesa u određenim oblastima, u skladu sa zakonom.

#### Član 65.

(Javno preduzeće)

Općinsko vijeće može osnovati javno preduzeće u čijoj bi nadležnosti bili poslovi od javnog interesa, u skladu sa zakonom kojim se uređuje postupak osnivanja i druga pitanja organizacije i rada javnih preduzeća.

#### Član 66.

(Obavljanje djelatnosti)

Javna ustanova i javno preduzeće obavljaju djelatnost pod uslovima i na način utvrđen zakonom i aktom osnivača, u skladu sa utvrđenim ciljevima.

## POGLAVLJE X – FINANSIRANJE I IMOVINA OPĆINE

### Član 67. (Pravo na imovinu)

- (1) Općina ima pravo na pokretnu i nepokretnu imovinu i na odgovarajuće izvore finansiranja kojima slobodno raspolaže u okvirima svojih nadležnosti.
- (2) Imovinom u vlasništvu Općine mora se upravljati brižno, u skladu sa zakonom i drugim propisima.
- (3) Općina ima pravo na sredstva za obavljanje delegiranih ili prenesenih poslova iz okvira prava i dužnosti viših tijela vlasti.
- (4) Općina ima pravo na odgovarajuće sopstvene finansijske izvore kojima slobodno raspolažu u okviru svoje nadležnosti, a u skladu sa zakonom.

### Član 68. (Vlastiti prihodi)

- (1) Općini pripadaju vlastiti prihodi:
  - a) porezi za koje Općina samostalno određuje stopu u skladu sa zakonom;
  - b) lokalne takse i naknade čije iznose utvrđuje Općinsko vijeće u skladu sa zakonom;
  - c) kazne i kamate u skladu sa zakonom;
  - d) prihod od upotrebe i prodaje imovine;
  - e) prihod od preduzeća i drugih pravnih lica u vlasništvu Općine, kao i prihod od koncesija u skladu sa zakonskim propisima;
  - f) poklona, nasljedstva, pomoći i donacija;
  - g) prihodi od samodoprinosu;
  - h) prihodi od budžetskih korisnika;
  - i) drugi prihodi utvrđeni zakonom ili odlukom Općinskog vijeća.
  
- (2) Općini pripadaju i drugi prihodi:
  - a) prihodi od dijeljenh poreza, definirani zakonom;
  - b) transferi i grantovi od viših nivoa vlasti;
  - c) dug u skladu sa zakonom.

### Član 69. (Budžet Općine)

- (1) Općina ima budžet u kojem se iskazuju prihodi i rashodi koji Općinsko vijeće većinom od ukupnog broja vijećnika usvaja u roku predviđenom budžetskim kalendarom.
- (2) Sva pitanja u vezi planiranja, izrade, donošenja i izvršavanja budžeta uređuje se zakonom.

### Član 70. (Raspodaganje prihodima)

- (1) Općina samostalno raspolaže prihodima koji joj pripadaju i može se zaduživati i zaključivati ugovore o kreditu, o čemu odlučuje Općinsko vijeće.

## POGLAVLJE XI – PROPISI I DRUGI AKTI

### Član 71. (Akti Općinskog vijeća)

- (1) Općinsko vijeće u izvršavanju poslova u okvirima utvrđene nadležnosti donosi određene



propise i druge akte, u skladu sa ustavom, zakonom i ovim statutom:

- a) statut Općine, odluke, rješenja i zaključke;
- b) budžet Općine, završni račun i izvještaj o izvršenju budžeta;
- c) poslovnik o radu Općinskog vijeća;
- d) Programe, pravilnike, naredbe, smjernice, preporuke i uputstva;
- e) autentično tumačenje propisa.

#### Član 72.

(Akti Općinskog načelnika)

(1) Općinski načelnik u izvršavanju poslova i obaveza iz djelokruga utvrđene nadležnosti, donosi opće i pojedinačne akte:

- a) uredbe, naredbe, pravilnike i uputstva;
- b) rješenja, zaključke i druge pojedinačne akte kojima se rješava o pravima, obavezama i pravnim interesima fizičkih i pravnih lica, u prvom stepenu u skladu sa Zakonom o upravnom postupku FBiH.

#### Član 73.

(Stupanje na snagu i objavljivanje akata)

(1) Općinski propisi stupaju na snagu danom donošenja ili najranije danom objavljivanja u „Službenim novinama Kantona Sarajevo“.

### POGLAVLJE XII – UPRAVNI NADZOR

#### Član 74.

(Subjekti nadzora)

(1) Upravni nadzor nad radom organa Općine obavlja se na način i u postupku predviđenim zakonom.

(2) Nadzor iz stava (1) ovog člana vrše ovlašteni federalni i kantonalni organi u okviru svojih odgovarajućih područja nadležnosti.

#### Član 75.

(Vršenje nadzora)

(1) Upravni nadzor nad radom općinskih organa i tijela u vršenju vlastitih nadležnosti Općine uredit će se na način da se ojača uloga nezavisnih internih tijela, te unutrašnji mehanizam nadzora, posebno u oblasti finansija i upravljanja.

(2) Organi Općine obavezni su na potpunu provedbu naloženih mjera i sudskih odluka koje se donose u okviru nadzora nad radom općinskih organa.

### POGLAVLJE XIII – MEĐUOPĆINSKA SARADNJA

#### Član 76.

(Saradnja sa općinama)

(1) U okvirima obavljanja poslova iz samoupravnog djelokruga, Općina može ostvarivati saradnju sa drugim lokalnim zajednicama.

(2) Saradnja iz prethodnog stava ovog člana planira se i ostvaruje u oblastima i poslovima koji su od njihovog zajedničkog interesa.

(3) Saradnju sa drugim općinama ostvaruje Općinsko vijeće i Općinski načelnik, svako o pitanjima i okvirima vlastite nadležnosti i djelokruga rada.

#### Član 77.

(Udruživanje u zajednice)

(1) Općina se može, zavisno od potreba i interesa, udruživati u zajednicu općina za određeno područje u skladu sa zakonom i ovim statutom.

(2) Odluku o udruživanju Općine u zajednicu općina donosi Općinsko vijeće, samostalno ili na prijedlog Općinskog načelnika.

(3) Odlukom o udruživanju utvrđuju se ciljevi udruživanja, način ostvarivanja tih ciljeva i druga pitanja od značaja za rad u zajednici općina.

#### Član 78.

(Pristupanje međunarodnim udruženjima)

(1) Općina može pristupiti međunarodnim udruženjima lokalnih zajednica i saradivati sa odgovarajućim lokalnim jedinicama drugih država, u skladu sa zakonom.

(2) Odluku o pristupanju i saradnji iz prethodnog stava ovog člana donosi Općinsko vijeće.

#### Član 79.

(Saradnja sa nevladinim organizacijama)

U cilju afirmacije otvorenog demokratskog društva općinski organi će u okviru vlastitih nadležnosti, rada i djelovanja ostvarivati potrebnu saradnju sa nevladinim organizacijama.

### POGLAVLJE XIV – JAVNA PRIZNANJA OPĆINE

#### Član 80.

(Javna priznanja Općine)

Općinska javna priznanja dodjeljuju se svake godine za „Dan Općine Novi Grad Sarajevo“ – 16. decembar i „Dan Odbrane Općine Novi Grad Sarajevo“ – 8. juni, o čemu odluku donosi Općinsko vijeće, na prijedlog Komisije za dodjelu javnih priznanja.

#### Član 81.

(Vrste javnih priznanja)

(1) Zlatna plaketa „Safet Hadžić“, Srebrena plaketa „Safet Hadžić“ i Zahvalnice dodjeljuje se povodom dana Općine Novi Grad Sarajevo.

(2) Zlatna plaketa „Odbrane“ Općine Novi Grad Sarajevo i Zahvalnice dodjeljuju se povodom dana Odbrane Općine Novi Grad Sarajevo.

#### Član 82.

(Odluka o javnim priznanjima)

(1) Posebnom odlukom Općinskog vijeća utvrđuju se kriteriji, postupak dodjele, oblik i izgled ustanovljenih javnih općinskih priznanja.

(2) Općinsko vijeće dodjeljuje javna priznanja pojedincima, društvima, ustanovama, privrednim subjektima i drugim kolektivima koji rade i djeluju na području Općine, a mogu se dodijeliti i stranim državljanima, inostranim i međunarodnim organizacijama za izuzetan doprinos u razvoju određene oblasti ili više djelatnosti od značaja za Općinu, u skladu sa Odlukom o javnim priznanjima Općine Novi Grad Sarajevo.

### POGLAVLJE XV – JAVNOST RADA ORGANA OPĆINE

#### Član 83.

(Javnost rada)

(1) Organi općine dužni su osigurati, razvijati i jačati javnost svog rada, kao jedan o bitinih preduslova za provođenje svoje dužnosti u interesu Općine.

#### Član 84.

(Podnošenje godišnjih izvještaja)

U cilju potpunije informisanosti javnosti, općinski organi su dužni putem web stranice općine i oglasnoj tabli općine objavljivati godišnje izvještaje, u kojima će predočiti uporedne podatke i pokazatelje o postignutim rezultatima s planiranim programskim ciljevima.

## POGLAVLJE XVI – POSTUPAK DONOŠENJA, IZMJENA I DOPUNA STATUTA OPĆINE

### Član 85.

(Postupak donošenja, izmjena i dopuna Statuta)

- (1) Statut Općine donosi Općinsko vijeće dvotrećinskom većinom ukupnog broja vijećnika.
- (2) Izmjene i dopune Statuta se vrše po istom postupku kao i njegovo donošenje.

### Član 86.

(Prijedlog za izmjene i dopune Statuta)

- (1) Prijedlog za izmjene i dopune Statuta može podnijeti 1/3 vijećnika u Općinskom vijeću i Općinski načelnik i građani putem referenduma.
- (2) Prijedlog mora biti obrazložen, a podnosi se predsjedavajućem Općinskog vijeća.
- (3) Ako je Programom rada Općinskog vijeća predviđena izmjena i dopuna Statuta, smatra se da je time prihvaćena i inicijativa za njegove izmjene i dopune ili donošenje novog statuta.
- (4) O prijedlogu za izmjenu i dopunu Statuta raspravlja se na sjednici Općinskog vijeća.
- (5) Ako se prijedlog iz prethodnog stava ne prihvati, isti se ne može ponovo staviti na dnevni red Općinskog vijeća prije isteka šest mjeseci nakon što je rasprava po prijedlogu zaključena.

### Član 87.

(Javna rasprava)

- (1) Nacrt Statuta, odnosno Nacrt izmjena i dopuna Statuta usvaja Općinsko vijeće i stavlja ga u javnu raspravu.
- (2) Javna rasprava traje najmanje trideset dana, nakon čega se utvrđuje prijedlog Statuta ili njegovih izmjena i dopuna i predlaže Općinskom vijeću na usvajanje.

### Član 88.

(Skraćeni postupak)

Postupak izmjena i dopuna ovog statuta kojima se vrše usklađivanja pojedinih njegovih odredbi sa ustavom i zakonom, vrši se po skraćenom postupku bez provođenja javne rasprave.

## POGLAVLJE XVII – PRELAZNE I ZAVRŠNE ODREDBE

### Član 89.

(Prestanak važenja)

Stupanjem na snagu ovog statuta prestaje da važi Statut Općine Novi Grad Sarajevo („Službene novine Kantona Sarajevo“ br. 9/98, 16/99, 12/00, 5/01, 8/01, 14/04, 33/05, 18/09, 16/08 i 36/09 i 2/17).

### Član 90.

(Usklađivanje akata)

- (1) Općinski organi su dužni uskladiti svoje propise i druga akta sa ovim statutom, u roku od tri mjeseca od dana njegovog stupanja na snagu.
- (2) Mjesne zajednice su dužne uskladiti svoje statute sa ovim statutom, u roku od tri mjeseca od dana njegovog stupanja na snagu.

### Član 91.

(Stupanje na snagu)

Ovaj statut stupa na snagu osmog dana od dana objavljivanja u „Službenim novinama Kantona Sarajevo“.

Sarajevo,

OPĆINSKOG VIJEĆA

## **O b r a z l o ž e n j e**

### **PRAVNI OSNOV**

Pravni osnov za donošenje ovog statuta sadržan je u u preambuli, a odnosi se na odredbe Ustava Federacije Bosne i Hercegovine, Ustava Kantona Sarajevo, federalnog zakona o lokalnoj samoupravi.

### **RAZLOZI DONOŠENJA**

Važeći Statut Općine je donešen 1998. godine i od tada je u više navrata mjenjan i dopunjavan, što je zbog lakše primjene zahtjevalo da se dvaput sačinjava prečišćeni tekst od strane nadležnog radnog tijela Općinskog vijeća.

Nadalje, došlo je do značajnijih promjena u zakonima i propisima kojima se uređuje brojna pitanja rada i funkcionisanja lokalne samouprave u općinama (Zakon o državnoj službi u FBiH, Zakon o državnoj službi Kantona Sarajevo, Izborni zakon BiH, Zakon o slobodi pristupa informacijama u FBiH, Zakon o sukobu interesa u institucijama vlasti BiH), što je dodatni i značajn razlog da se ide na pripremu i donošenje novog statuta, najvišeg pravnog akta lokalne zajednice.

Dosadašnja praksa na ovom zadatku u općinama upućuje na donošenje novih statuta, a što je i preporuka Saveza općina i gradova u Federaciji Bosne i Hercegovine, pa i OSCE-a čije Smjernice za izmjene statuta općina u FBiH preporučuju usvajanje novih dokumenata koji će biti u skladu sa novim propisima, odnosno cjelokupnim pravnim sistemom Bosne i Hercegovine i Federacije.

### **PRAVNA RJEŠENJA**

Sadržaj materije u ovom prednacrtu statuta podjeljena je na 17 poglavlja, sistematizovanih prema srodnosti normativnih sadržaja i nomotehničkom obradom koja se zasniva na utvrđenim pravilima o pripremi propisa.

Ustavna i zakonska određenja upućuju da se Statutom Općine bliže uređuju pitanja samoupravnog djelokruga Općine, organizacija, ovlaštenja i način rada organa Općine, organizacija i rad mjesne samouprave i druga pitanja od značaja za ostvarivanje lokalne samouprave.

Statut Općine je najviši pravni akt u Općini koji obavezuje da svi ostali općinski propisi, pravni i drugi akti moraju biti usklađeni sa njegovim odredbama.

### **POGLAVLJE I – OSNOVNE ODREDBE**

#### **Članovi 1 - 8**

Ovaj dio sadrži osnovne odredbe koje se odnose na sadržaj ovog propisa, naziv i sjedište Općine, njena obilježja, upotreba jezika i pisma i druga pitanja koja uobičajeno nalaze svoje mjesto u ovom osnovnom ili uvodnom dijelu propisa.

### **POGLAVLJE II – ZAŠTITA LJUDSKIH PRAVA I SLOBODA**

#### **Članovi 9 – 13**

Nomotehnički dio u ovom poglavlju obrađuje pitanja zaštite ljudskih prava i sloboda, kroz odredbe koje se odnose na nacionalne manjine u Općini, zabranu diskriminacije, položaj i ulogu posebnog radnog tijela za zaštitu ljudskih prava i sloboda, uključujući i odredbe o ostvarivanju saradnje sa ombudsmenima. Riječ je o univerzalnim pitanjima i njihova obrada je upravo i predočena na samom početku ovog pravnog akta.

### **POGLAVLJE III – NADLEŽNOSTI OPĆINE**

#### **Članovi 14 – 16**

Ovdje su taksativno pobrojane nadležnosti lokalne zajednice, podjeljene na isključive i posebne, a što proizilazi iz ustava i zakona federativnih i kantonalnih vlasti. Uz ove regulisano je i pitanje prenešenih nadležnosti koje pripadaju višim nivoima vlasti. U određivanju i sistematizaciji pitanja nadležnosti općina, u ovom momentu, korišten je Zakon o lokalnoj samoupravi Kantona Sarajevo, koji je bio u formi prijedloga.

## POGLAVLJE IV – STRUKTURA OPĆINSKE VLASTI

### Članovi 17 – 32

Riječ je veoma važnoj materiji i ona je data na način da je utvrđen položaj Općinskog vijeće kao predstavničkog tijela, najvišeg organa vlasti i odlučivanja u Općini, te na sličan način pozicionirana je i materija koja se odnosi na Općinskog načelnika. Uz ova pitanja pobrojane su i nadležnosti ovih organa, koje proizlaze iz propisa o lokalnoj samoupravi.

## POGLAVLJE V – MEĐUSOBNI ODNOSI VIJEĆA I NAČELNIKA

### Članovi 33 - 41

U ovom poglavlju uređena su pitanja koja se odnose na ostvarivanje međusobne saradnje ovih organa, sa namjerom da se na najbolji i najodgovorniji način izvršavaju vlastite i zajedničke nadležnosti i odgovornosti za stanje u općini, posebno u segmentu zadovoljavanja osnovnih potreba i interesa građana i njihovih subjekata.

## POGLAVLJE VI – ORGANIZACIJA UPRAVE

### Članovi 37 -40

Shodno važećim propisima kojima je uređena ova materija načelno su formulisane odredbe koje se odnose na položaj općinske uprave, njihove nadležnosti i odgovornosti u obavljanju poslova koji su ima zakonom i propisima Općinskog načelnika stavljeni u nadležnost.

## POGLAVLJE VII – NEPOSREDNO ODLUČIVANJE GRAĐANA

### Član 41– 48

Ovim poglavlju dato je više prostora, imajući u vidu značaj učešća građana u procesu odlučivanja u lokalnoj zajednici. Pobrjani su neki od osnovnih obilka učešća građana u kreiranju politike na nivou Općine i uticaj na proces donošenja najznačajnijih odluka. Po prvi put se u ovom aktu uređuje i pitanje podnošenja predstava i prijedloga građana, a riječ je o materiji koja je uređena posebnim kantonalnim zakonom.

## POGLAVLJE VIII – MJESNA SAMOUPRAVA

### Članovi 49 – 62

Ova materija je posebno tretirana i normativno uređena, manje više kako je to bilo i u dosadašnjem Statutu, uz neke dodatne preciznosti i jasnije formulacije. Obradena je materija gotovo u cjelini koja se odnosi na položaj mjesne samouprave, osnivanja, nadležnosti i načina rad i funkcionisanja mjesnih zajednica.

## POGLAVLJE IX – JAVNA SLUŽBA

### Članovi 64 – 66

Ovo je u odnosu na dosadašnji statut novo poglavlje u kojemu se načelno uređuje pitanje osnivanja ustanova i javnih preduzeća, imajući u vidu njihov značaj i opće društveni interes u zadovoljavanju potreba stanovništva Općine.

## POGLAVLJE X – FINANSIRANJE I IMOVINA OPĆINE

### Članovi 67 – 70

Dati su novi sadržaji u dijelu koji se odnosi na taksativno nabrojanje izvora finansiranja lokalne zajednice, u skladu sa važećim propisima kojima su uređena pitanja rada i funkcionisanja lokalnih zajednica.

## POGLAVLJE XI – PROPISI I DRUGI AKTI

### Članovi 71– 73

Kad je riječ o ovoj materiji sistematičnije su navedeni propisi i druga akta koja donosi Općinsko vijeće ali također i kad je u pitanju funkcija i nadležnosti u tom smislu Općinskog načelnika.

## POGLAVLJE XII – UPRAVNI NADZOR

### Član 74 - 75

Uređena je materija na način da se u najširem obimu naglašava i ojača uloga nezavisnih internih tijela, te unutrašnji mehanizam nadzora, naročito kad su u pitanju finansije i upravljanje.

## POGLAVLJE XIII – MEĐUOPĆINSKA SARADNJA

### Članovi 77 - 80

Ova pitanja su ostala gotovo na nivou dosadšnjih odredbi uz manja nomotehnička dotjerivanja i formulisanje ukupnog sadržaja.

## POGLAVLJE XIV – JAVNA PRIZNANJA OPĆINE

### Članovi 81 - 82

Sušтина ovih sadržaja je u tome da je došlo do novih oblika i većeg broja jvnih općinskih priznanja, o čemu je poodavno bilo govra na raspravama u nadležnim tijelima, pa i od strane Općinskog vijeća.

## POGLAVLJE XV – JAVNOST RADA ORGANA OPĆINE

### Članovi 83 – 84

Ovo je posebno važno pitanje i normativno oblikovanje sadržaja je u pravcu da se više naglasi ovaj segnent rada u organima i tijelima Općine, što je i učinjeno.

## POGLAVLJE XVI – POSTUPAK DONOŠENJA, IZMJENA I DOPUNA STATUTA OPĆINE

### Članovi 85 - 88

Na nešto drugačiji i potpunije način uređen je postupaki procedure kad su u pitanju promjene ovog najvišeg pravnog akta u Općini.

## POGLAVLJE XVII – PRELAZNE I ZAVRŠNE ODREDBE

### Članovi 89 - 91

Završni dio uvijek se uređuje na uobičajeni način, s tim da je u ovom slučaju naznačena potreba usklađivanja određenih općinskih propisa sa novim odredbama koje Statut sadrži.

Radna grupa za izradu novog Statuta Općine Novi Grad Sarajevo predlaže, predlaže Općinskom vijeću da usvoji sljedeći:

### ZAKLJUČAK

1. Utvrđuje se Nacrt Statuta Općine Novi Grad Sarajevo i određuje javna rasprava u trajanju od 30 dana od dana donošenja ovog Zaključka.
2. Subjekti javne rasprave su klubovi općinskih vijećnika i samostalni vijećnici, radna tijela Općinskog vijeća, Općinski načelnik, općinske službe, te drugi zainteresirani subjekti.
3. Nosilac javne rasprave je Radna grupa za izradu Statuta Općine Novi Grad Sarajevo, kojoj se dostavljaju pisani prijedlozi, sugestije, primjedbe i mišljenja putem protokola Službe za poslove Općinskog vijeća.